

626.959

2

NATALI DIE
IOACHIMI ET CAROLINAE

REGVM AVSPICATISSIMORVM

ADVENTANTE

DOMINICI SIMEONIS OLIVAE

CARMEN.



PRODIT EX REGIA TYPOGRAPHIA NEAPOLITANA
Octavo Calendas Aprilis,
1814.

E C L O G A.

C A R O L I N A.

PARTHENOPE, PROTEVS.

Nos quoque litoreos; Musae, celebremus honores.
 Non omnes iuga celsa iuant, Pindusque cupinus:
 Ipsa suos nórunt magnos freta caerula vates,
 Magnaque composito sonnere oracula, ponto.
 Orpheus hinnuleos, flexit delphinas Arion.
 Et nunc Phryxæo reseratum sidere, caelum
 Effundit ver purpureum qua rara colonus
 Subiicit Euboicus: maturum excita, teporem
 Sentit humus. Vos hic, gemmans dum pullulat arbor,
 Molliter alterna quatientes litora planta,
 Tangite, Pierides, notas mihi, tangite chordas.

Tuque adeo, nostras facili quae fronte Camenas
 Erigis, atque foves, non dedignata iacentes,
 PARTHENOPES CAROLINA DECVS, CHARIS ADDITA TERRIS,
 NOBIS VRANIE MAIOR, quam saepe volentem
 In sua vota vocant Artes, et sedula Pallas:
 Dî licet indigetes, regnum, ac tutela tuorum,

Sebethusque pater, qua moenia suspicit Urbis,
 Pectora sollicitent, Teque ad potiora repellant;
 Huc ades, et Paphia lauros praecingere myrto.
 Te mare, Te triplicis recolit maris ora vicissim,
 Quam sibi praesentem cognoscunt undique Divam:
 Pimpla triumphales Tibi suaviter educat umbras:
 Et qua magnanimi, subter, simulacra fovescent
 Multiplicat frondes, IOACIIIMI, atque irrigat unda
 Manantum rivorum, et formosae Aganippes,
 Cara Diis, scribunt TVA NOMINA, mille colores,
 Et variata rosis uberrima lilia servant.
 Sollemnes dicat usque Tibi, Regina, choreas,
 Quae colit alma cohors, Helicon, Tibique canoros
 Concelebrant cyeni per florea germina, lusus.
 Iamque ego cur taceam? toties cur cernere pergam
 Phoebum exprobrantem? Pastor me Proteus ipse
 Incusat: me Pausilypi sub vertice ovantes
 Nereides, me Limniades, Tibi dona ferentes
 Litorea, et nitidis ramosa corallia conchis.
 Scilicet ecce tuos praesignat Lucifer, ortus,
 Adveniens: sensere vadis Phoebea sub imis
 Litora Cumarum: procul orcae, et maxima cete
 Evigilant; pelagi stant numina; sentit et ipse.
 Excitus undoso qui concutit aequora fundo.
 Ergo age, Teleboi quae mox maris incola Siren,
 Dnm vocat hnmantes Sebethi ad gaudia, Nymphas,
 Edocuit, dulci mulcens modulamine phocas,
 Carpathiusque senex monuit quae protinus ultro,
 Accipe. Maiori tandem freta findimus alno,
 Sed tamen haud nostros meditatur arundine cantus.

Illa mari egrediens, virides resoluta capillos,
Occipit: alba micant spumanti adspergine membra.

Dicite io, Nymphae, CAROLINAM, dicite Nymphae.
Quandoquidem aequoreo rutilans de gurgite Titan
Exoritur, nec frustratum te oracula, Proteu,
Iam referunt tua, quum Capreis adversus acutis
Cantares, pulcræ sub culmine Mergillines:
Adveniet Regina novi, nova gloria saeculi.

Dicite iam, Nymphae Craterides o, CAROLINAM.
Tum rutili exstabant thynni, tum caerulea, curvi
Arva pererrabant alti delphines ab undis:
Humentisque sonans Aniani e vallibus Echo
Respondit: Dea magna, Dea haec sata sanguine Divum:
Nascentis nunc spectemus miracula passim.

Dicite io, Nymphae, CAROLINAM dicite, Nymphae.
Vt iubar, aucta, duplex, veniens patefecerit orbi
Haec Dis nota dies, geminosque retexerit ortus,
Nunc omnes norunt: vacuoque Serapidis antro
Inscriptum, et nuper Miseni rupe sub alta,
Per Dryadas magni Sinceri ad busta vagantes,
Inissimus hoc ipsum seros didicisse nepotes.

Dicite iam, Nymphae Craterides o, CAROLINAM.
Vidimus haec ipsi: primus tu carminis auctor,
Proteu, sed non effugiens, ut cetera, Proteu.
Progeniem excepit geminam, duo pignora caeli,
Vna eademque dies decima vice vecta per orbem,
Vna eademque dies gemino lustratur Eoo.

Dicite io, Nymphae, CAROLINAM dicite, Nymphae.
Ipsa, tuos, memini, dios, Lucina, favores
Dum properas, Nereumque vocas, algosaque circum

Numina, cum Glaucoque, Palaemona, Leucothoemque,
 Et Dorin, celeres ad marginis uda fluentes
 Gramina, Campanas exhortabare Napaeas,
 Miscentesque choros glauca Nereides acta:
 Ite citae, date fraga novis, date cornea cunis;
 Ite citae, date rubra novis, conchyliis cunis.

Dicite iam, Nymphae Craterides o, CAROLINAM.
 Ergo dum properas dios, Lucina, favores,
 Fraga dedit quum vix primum natura teperet?
 Omnia mitescent: nostri prope litoris oras
 Adflabit messes zephyris genialibus aestas;
 Autumnus violas, et ver non abnuet uvas,
 Poma dabit quum vix primum natura tepescet.

Dicite io, Nymphae, CAROLINAM dicite, Nymphae,
 Talia quippe olim solam me fata manebant
 Felicem, atque ideo propter mea stagna, propinquis
 Saltibus exsilire, et ad aequora convenere
 Purpureae comites patrii crateris alumnae.
 Hic torus, hic HEROES io! spectanda triumphis
 Terrâ adamata mihi, me talia fata manebant.

Dicite iam, Nymphae Craterides o, CAROLINAM.
 En tibi demissus placido novus aethere MAJORS,
 Advigilat. Mars ille polo dum sidera curat,
 Nascitur hic, terras pulcro neque territat ore.
 Fulmineus movet arma quidem, sed concutit hostes
 Exhilarans. Procul o, tandem, fera cedit bella:
 Iam populos suavi natus vincere catena,
 Formosus IOACHIMVS adest, satus ab Iove summo.

Dicite io, Nymphae, CAROLINAM dicite, Nymphae.
 Vidi ego, piscosis, redeuntis Amalpheos, oris

Illius, egit acu certos qui per freta nautas,
 Exsultans simulacrum, inclamantisque per undas:
 O Theti, post bis centum, iterum pulcherrimus ultro,
 Saecla, tibi tandem carus reparatur **ACHILLES**.
 Iam pax orta mari, iam viserit haec quoque terras.
 Olli, sedato plaudent mea litora, ponto.

Dicite iam, Nymphae Craterides o, **CAROLINAM**.
 Salve, animis, specieque Puer testate Parentes.
 Clarus Palladiis, quum viseris artibus, Urbem,
 Tu populo stipante, vias, tu regia tecta
 Ingredi auctus longaeva pace, superbo
 Altus equo, mulcensque procul Neptunia regna.
 Te dulcis Frater, dulces, tua cura, Sorores,
 Suspiciunt, roseoque addunt pia vota labello.

Dicite io, Nymphae, **CAROLINAM** dicite, Nymphae.
 Nil habet Inarime, Prochyte nil, ignipotensque
 Vesevus, nil Euboici maris adcola circum
 Sedulus, incumbensque salo summa ora Minervae,
 Nil Baiae, Herculeusque sinus, antrumque Sibyllae
 Horrendum, referensque Lacus grave nomen Avernii,
 Quo deceat tantos ornari munere Reges.

Carmina donemus: caelum quoque carmine gaudet.

Dicite vos, Nymphae, **IOACHIMVM**, vos **CAROLINAM**.
 Talia Parthenope dum formosissima Sifen
 Concinit, indigenae tremuli salis ilicet adsunt
 Nereides, circumque choro dant protinus illam.
 Nectentesque iocos, nunc candida membra sub undas
 Corripiunt, relevantque simul, nunc brachia nantes
 Exercent: roseasque genas, nitidasque papillas
 Ordine mergentes, iterumque iterumque lavantes;

Prosiliunt, haustumque cito mare crinibus aureis
Stillant, et pluvios per pectora mollia rores.
Omnia reddebant, et Regia fata caneant.

Interea sub luce vigil super aequore Proteus
Institerat. Stabant Triton argutus, et almus
Portunus, pelagoque iterum data numina nuper,
Dum patulas Nautae, nostras revocantur ad oras:
Iussaue ferre mari, longo post tempore tandem,
Cymothoe acceptas, Sebethi ad litora naves.
Protea spectabant, simul Euplaeamque tenebant.
Ille Deum confessus, ibi sua gaudia fando
Integrat, inque sonans scopulo sic infit ab alto.

Actius, atque Maro mecum stetit hic prope cautes,
Ingentes umbrae, serto devinctus uterque
Insigni, dederatque loqui mihi grandia uterque,
Qualia vicissent sonitum, quum Nereus ipse
Increpitans concha totum ciet agmen aquarum.
Inde ego vulgavi fatorum arcana per auras
Quum foret alta quies, caeloque invecta silenti,
Plurima caeruleam variarent sidera noctem.
Respondere imis Vesevi exusta cavernis
Viscera, reddideruntque alte freta pulsa fragorem.
Verum coepta, sonos possim quos reddere vates
(Quippe animus fuerat meritas subiungere laudes)
Nunc primum exsuperant. Satis est voluisse fateri.
Felix, ah nimium felix, quae dicere facta
Abnuis Heroum, venerans, et carmina tantum
Tenuia, ceu baccas inscriptas nomina Regum,
Texere, deque mari parvum dare munus adorta es,
Parthenope! Magnis nos tandem, scilicet, ausis

Decidimus. Animi scrutantur pectora Divum
Donis exiguis, et sancta mente coluntur.

Haec eadem, memini, facilem praecepta Poetae
Edocui, qua scabra Siris vada distrahit alveo,
Insiliens Siris, alterno qui flumine fervens,
Impiger invehitur ripis, pulsatque profundum
Ionium: spectant sata Consule nota Levino.
Illi iamdudum puero dum Calliopca
Deferret longe latices Parnassidos undae,
Explorata Erebo cecinerunt omina Parcae:
Non prius, o Pimplee puer, fata aspera rumpes,
Quam celebranda Diis olim tyrrhena Terapne
Pulcrum laetato CAROLINAM immiserit Orbi.
Nec prius a summo deduces carmina Pindo,
Aut poteris vetito, tentare poemata plectro,
Quam regat Haec populos, solioque refulgeat alto.

Nunc age, quae triplices sanxerunt fata, sorores,
Evasere: animos, optato tempore, Vates
Arrige, Lucana frontem redimitus Oliva.
Non te propositis valeant abscindere coeptis
Quae Codro cumulantur opes, indignaque fama.
Pythius haud habet hos iacentes turbida inani
Verba sono: cito iacta cadent, ut concidit aequor,
Castoris ardentes ubi Cyllarus extulit ignes.
Illos diu honor, longaeaque deseret aetas,
Deciduo elatos vento, et popularibus auris.

Tu ne cede loco, solidoque insiste labori:
Maxima nanque tibi venient fortasse canenda,
Quae Phoebo semel admisso, non exedet aevum:
Eridanusque, Tagusque simul, mox Odera, et Albis,

Et Tanais discors, lustratique ostia Nili,
 Deinde refluentes, visens Concordia terras
 Italiae, clausis quum Bella frementia portis,
 Armis insurgent frustra, atque immanis Erinny,
 Compressusque Furor vinclis, et carcere ahen.
 Omnia quandoquidem perhibens, et carmina miscens
 Prisca novis, in utrumque lavet tibi pulcher Apollo.
 * Sic memorat: simul ora sacro cita flamine Pastor
 Induerat flammis, vivoque exarserat igni.
 Attonitum adglomerant circum, plausuque frequentes
 Excipiunt comites. Mox prospexere per altum
 Exsultantem animis, monstrique immensa prementem
 Tergora caerulei, consertisque horrida squamis,
 Dum legeret fines Thyrreni, atque ad mare. Circes
 Confraga. Tum summo Phoebus formosior axe,
 Agmina delphinum, et mugilum, simul inter echinos
 Ostrea, et haerentes nitidi prope marginis algas
 Polypodas, thynnos, teretesque per aequora sargos
 Passim incursantes, variabat lumine fulvo,
 Flagrantesque novo radiarunt murice, conchae.

FINIS.

626959